



Ad kosgã yēnda la tūudmã

Yii a Annu'maan [bn Basur nengē -Wēnd yard be a yīnga- a yeelame: Mam wuma Nabiyaamã -Wēnd puusg la A tulgr be a yīnga- t'a yetē: "Ad kosgã yēnda la tūudmã", rē poorē t'a kareme: "{la yāmb Soaba yeelame: "kos-y-Ma tı M na reeg y yīnga, ad neb nins sēn waoogd b mens n yit Mam tūudmã, b na n kēe Gehannem tı b yaa yaalse} [Gaafıru: 60]".

[Naşun Şahuhun (Gom-sikdem sēn manege)] [A Abuu Daawuud la a At-tirmiiziy la a [bn Maağa la a Ahmad n togs-a]

Nabiyaamã -Wēnd puusg la A tulgr be a yīnga- kōo kibare, tı kosgã yēnda la tūudmã, rēnd sēn yaa tilae a pugē, yaa t'a fāa gill yı, sēn yulge, Wēnd a yembr yīnga, zem tı yaa kosg sēn yaa bōn-raabo, ne a sēn na n kos bumb ning sēn nafd yē la a tus bumb ning sēn namsd-a n yi-a dūni kaanē la laahre, maa mikame tı yaa tūudum doaaga yē me la bumb fāa gill Wēnd sēn nonge la A yardē, sēn yaa koeese la tuuma, sēn vēneg la sēn solge, zem tı yaa sūy tuuma maa yīng tuuma maa arzek tuuma. Rē poorē tı Nabiyaamã -Wēnd puusg la A tulgr be a yīnga- na n togs daliili n tees n wilg yel-kāngã, n yeele: Wēnd yeelame: {Kos-y-Ma tı M na reeg y yīnga, ad neb nins sēn waoogd b mens n yit Mam tūudmã, b na n kēe Gehannem tı b yaa yaalse}.

<https://sunnah.global/hadeeth/mos/show/5496>

